



HURRIYAT

Mustaqil gazeta

O'zingni angla!

2016-yil 13-yanvar, chorshanba

№ 2 (961)

1996-yil dekabr dan chiqa boshlagan

Elektron manzil: info@uzhurriyat.uz

МЎЪЖИЗАНИ ЙИРОҚДАН ИЗЛАМАНГ

Ерув хоналар бўйлаб сеvimли эртақ қахрамонлари билан кўнаётган, жавонлар бўйлаб териб қўйилган турфа мавзудаги, ранг-баранг китобларни катта қизиқиш билан варақлаб кўраётган, бир кучоқ китобни бағрига босганча уларни харид қилишга ота-онасини ундаётган болалар кўзларидаги қувонч, ҳайрат ва ҳаяжонни кўриб, кўз қувонади.



➔ 3-бет

ЖОРИЙ ЙИЛ НИМАЛАРНИ ВАЪДА ҚИЛАЁТИР?

Бу йил мамлакатимиз пойтахти Тошкент ҳам халқаро мулоқотлар марказига айланиши шубҳасиз. Жумладан, Шанхай ҳамкорлик ташкилоти тартиб-қоидаларига биноан ҳар йили аъзо мамлакатлардан бири унга раис бўлади.



➔ 5-бет

“ГЕОЛОГ”ГАЧА БЎЛГАН ИЖОДИМ ТАЖРИБА ЭДИ, ХОЛОС...

— “Афғон” бадийи фильмида қахрамонинингизнинг вазмин рақсга тушадиган таъсирли саҳнаси бор. Мана шу жараён қандай туғилган? — Аслида, бу ролни Ёлқин Тўйчиев менга атаб ёзган экан. Уша саҳнадаги ҳолат шаклини топишни режиссёр ўзимга қўйиб берган.



➔ 7-бет

ЧОРШАНБАДАН ЧОРШАНБАГАЧА

➔ Ўзбекистон Республикаси Олий Мажлиси Қонунчилик палатасининг Аграр ва сув ҳўжалиги масалалари қўмитаси томонидан аграр соҳанинг ҳуқуқий асослари ҳамда уларни такомиллаштириш истиқболларига бағишланган матбуот анжумани ўтказилди.

➔ 7 январь кунини Ўзбекистон Республикаси Олий Мажлиси Қонунчилик палатасининг навбатдаги мажлиси бўлиб ўтди. Унда депутатлар жамият ҳаётининг турли соҳаларида амалга оширилаётган ислохотларни янада чуқурлаштиришга қаратилган бир қатор қонун лойиҳаларини кўриб чиқдилар.

➔ Фуқаролик жамияти институтларининг ҳуқуқий асосларини ривожлантириш масалалари Ўзбекистон Республикаси Олий Мажлиси Қонунчилик палатаси Демократик институтлар, нодавлат ташкилотлар ва фуқароларнинг ўзини ўзи бошқариш органлари қўмитасида давлат идоралари, ҳуқуқни муҳофаза қилиш органлари, фуқаролик жамияти институти вакиллари, олимлар ҳамда журналистлар иштирокида муҳокама қилинди.

➔ Парижда фуқаролик жамиятини ривожлантириш соҳасида Ўзбекистон ва Франция тажрибасини кўриб чиқишга бағишланган давра суҳбати бўлиб ўтди.

➔ Германияда ҳар чоракда нашр этиладиган “Masche” иқтисодий журналида Ўзбекистон тўқимачилик саноатининг ривожланиши ва унинг сармоявий салоҳиятига бағишланган мақола чоп этилди.



“HURRIYAT” газетаси “Ўзбекистон ҳаво йўллари” миллий авиакомпанияси самолётларида ҳам йўловчиларнинг доимий ҳамроҳи.

➔ 14 январь — Ватан ҳимоячилари кунини



Бебаҳо неъмат шукронаси

Мамлакатимиз мустақиллигини, фуқаролар тинчлиги ва хавфсизлигини таъминлаш, уларнинг ҳуқуқлари ва қонуний манфаатларини ҳимоя қилиш давлат сиёсатининг устувор вазифаларидан ҳисобланади. Инсоннинг муқаддас ҳуқуқларидан бири бу — тинч яшаш ҳуқуқидир. Давлат ва жамиятнинг бурчи ана шу ҳуқуқни қонуний воситалар билан кафолатлаб беришдир. Тарихдан маълумки, ҳар қандай давлатнинг мустақиллиги, халқнинг эрки ва тинчлиги унинг ўз армияси, Куролли Кучлари томонидан ҳимоя қилинади. Ўз мустақиллигини, тинчлигини асрай олган давлатгина барқарор ривожланади, гуллаб-яшнайд.

Юртимиз таъбири билан айтганда, «Ўз истиқлоли ва озодлигининг қадрини билмайдиган, уни ҳимоя қилолмайдиган, бунга куч-қурбн етмайдиган миллат ҳеч қачон эркин яшай олмайд, кимгадир итоат этишга, бўйин эгишга мажбур бўлади». Шу боис истиқлолимизнинг дастлабки кунларида — 1991 йил 6 сентябрда Ўзбекистон Республикаси Мудофаа ишлари вазирлиги ташкил этилди. 1992 йил 14 январь кунини эса мустақил давлатимиз тарихида яна бир муҳим қадам қўйилди. Шу кунини мамлакатимиз ҳудудига барча ҳарбий қисм ва бўлинмаларни Ўзбекистон юрисдикциясига ўтказиш тўғрисида қарор қабул қилинди.

Куролли Кучларнинг мамлакат суверенитети ва ҳудудий яхлитлигини сақлаш, халқимизнинг тинчлиги ҳамда бунёдкорлик меҳнатини ҳимоялаш, ёш авлодни ватанпарварлик руҳида тарбиялашдаги аҳамиятини инобатга олиб ҳамда мамлакатимиз ҳудудига ҳарбий қисм ва бўлинмаларнинг давлатимиз тасарруфига ўтказилиши муносабати билан Ўзбекистон Республикасининг 1993 йил 29 декабрда қабул қилинган қонунига биноан 14 январь Ўзбекистонда Ватан ҳимоячилари кунини деб эълон қилинди. Утган йиллар мобайнида юртимизда давр талаби ва жаҳон андозларига жавоб берадиган Куролли Кучларни барпо этиш, мамлакатимиз мустақиллиги, хавфсизлиги ва ҳудудий яхлитлигини таъминлаш, барқарор ва изчил демократик тараққиётимизнинг ишончли кафолати бўлган миллий армиямизни шакллантириш йўлида кенг қўламли ва моҳиятан улкан ишлар амалга оширилди. Аввало, ҳарбий соҳа ислохотлари билан боғлиқ стратегик мақсадларга эришишнинг муҳим ҳуқуқий пойдевори бунёд этилди. Мамлакатимиз Конституциясининг 52-моддасида “Ўзбекистон Республикасининг ҳимоя қилиш — Ўзбекистон Республикаси ҳар бир фуқаросининг бурчи” эканлиги алоҳида белгилаб қўйилди.

➔ Болалар спорти

Соғлом фарзанд — юрт камоли

Абдувоҳид бобо ўн тўрт яшар невараси Шамсиддин Грециянинг Халкидики шаҳрида шахмат бўйича 8 ёшдан 18 ёшгача бўлган болалар ва ўсмирлар ўртасидаги жаҳон чемпионатида ўз тенгдошлари орасида голиб бўлганини эшитиб, кўзлари қувонч ёшларига тўлди. Нафақат Шамсиддиннинг, балки истиқлол ҳавосидан нафас олиб улғаяётган тенгдошларининг вужудидан ёғилиб турган куч-ғайратни, юксак парвозга шайланаётган бургутнинг чақноқ кўзлари каби ўт-оловни кўриб, кўнгли эзгу орзулардан ёришиб кетди.



Сурхон воҳасидаги оддий гўша — Бойсун тумани, Тиллакамар қишлоғида яшовчи бу нурунийнинг шу пайтдаги ҳистуйғуларини ифодалашнинг ўзи эмасди. Бобо не-не синаотларни бошидан кечирмаган, дейсиз. Эл-юрт гамини кўриб, озорланган кунлари кўп бўлган. Хайрият, қувончли кунлар ҳам бўлар экан. Мана бугун дунёнинг манамен деган жойларидан келиб ўз элининг гурури учун курашган барча тенгқурларини енгиб, Ўзбекистон шай-

нини баланд кўтарган йигитчанининг, оркаш, мағрур ўзбек ўло-нининг — чемпионнинг бобоси бўлиб кўтловларни қабул қилаётир! Бундан ортиқ бахт бўладими? Бир пайтлар ўзи ҳам профессионал спортчи бўлмоқчи, дунёни лол қолдирмоқчи эди. Агар ўшанда спортчи бўлман, деганида “реалистроқ” ҳамқишлоқ амакилардан бири: “Бўтам, спорт сента ош-нон берармиди, қўй, бошқа бўладиган ишнинг бошидан тут”, — дея

“ақд” бўлмаганида, ҳар кунини тонгда туриб югурганини кўрган ҳамсоҳаб пиқирлаб кулганини сезиб қолмаганида, ўсмир қалби жароҳатланмаган, эҳтимол, болалик орзулари ушалган бўлармиди. Аммо у тақдирдан нолимайди, элга чавандоз бўлиб танилди, мана, гужур-шижоат, курашувчанлик суяк суриб, авлодлари жаҳон майдонларида “улоқ”ни айириб келмоқда.

Хурматли муштарийлар,

2016 йил учун “HURRIYAT” газетасига обуна бўлганингиз билан қутлаймиз. Газетамизга обуна бўлолмаганлар эса уни савдо дўконларидан харид қилишлари мумкин. Ўқинг, баҳра олинг ва уни ҳамроҳларингизга ҳам ҳада этинг. Бундан ташқари, “Hurriyat” да чоп этилган материаллар билан www.uzhurriyat.uz сайти орқали ҳам танишингиз мумкин.

“HURRIYAT” ГАЗЕТАСИ СИЗНИНГ ДОИМИЙ ҲАМРОҲИНГИЗ БЎЛИШИГА ИШОНАМИЗ!



➔ Ёшларга оид давлат сиёсати — амалда

Юртимизнинг ишончи ва таянчи

Ўзбекистон Республикаси Президентининг Давлат стипендияси совриндори Фахриддин Абдукаримовнинг ёши 24 да. Изланувчан йигит Урганч давлат университети физика-математика факультетининг амалий математика кафедрасида ўқитувчи бўлиб ишлайди. Унинг юрак ва артериал томирларда биомеханик жараёнларни математик моделлаштиришга оид тадқиқоти олимлар ва шифокорларда катта қизиқиш уйғотмоқда.

Алишер Навоий номидаги Ўзбекистон Миллий кутубхонасида Республика Маънавият тарғибот маркази томонидан ташкил этилган “Ёшлар — Ўзбекистоннинг ишончи, таянчи ва қудратли кучи” мавзусидаги тадбирга Фахриддин сингари илм-фан соҳасида изланаётган иқтидорли ёшлар таклиф этилди. “Камолот” ёшлар ижтимоий ҳаракати марказий кенгаши раиси Б.Ганиев, Республика Маънавият тарғибот маркази раҳбари вазифасини бажарувчи Н.Қосимов, Мирзо Улубек номидаги Ўзбекистон Миллий университети қошидаги Математика институти директори, академик Ш.Аюпов ва бошқалар Президентимиз раҳнамолигида ёшларни ҳеч кимдан кам бўлмаган инсонлар этиб вояга етказиш борасида амалга оши-

риллаётган ишлар юксак самаралар бераётганини таъкидлади. Президентимизнинг 2014 йил 6 февралдаги “Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида”ги қарори навқирон авлоднинг эзгу орзу-интиқолига қанот бағишлаганига доир амалий чора-тадбирларни замон руҳи билан ҳамнафас йўлга қўйиш имконини бермоқда. Бугунги тадбирдан қўзланган мақсад илм-фан соҳасида улкан ютуқ ва марраларга эришиб, Ватанимиз тараққиёти йўлида самарали изланаётган иқтидорли ёшларни қўллаб-қувватлаш ва рағбатлантиришдан иборатдир. Нилуфар Аҳмедова — Навоий давлат педагогика институ-

ти кимё фанини ўқитиш методикаси факультети талабаси. Бўлгуси педагог кимё фанини ўқитишда миллий қадриятлар, жумладан, Мирзо Улубек, Абу Райҳон Беруний, Абу Али ибн Сино сингари буюк ажлодларимиз меросига алоҳида эътибор қаратиш йўналишида изланиш олиб бормоқда.

Илм-фан чўққиларини эгаллашмиш, орзуларимизни рўёбга чиқариш, салоҳиятимизни кенг намоён этишимиз учун барча шароит ва имкониятлар мавжуд, — дейди Нилуфар. — Президентимиз раҳнамолигида кўрсатилган алоҳида эътибор ва ғамхўрлик бизни янада юксак парвозларга, янги-янги марраларга ундамоқда.

Тадбирда мамлакатимизда ёшларга оид давлат сиёсатининг аҳамияти ва мазмун-моҳияти ҳақида атрофлича суз юритилди. Иқтидорли ёшларга сертификат ва эсдалик совғалари топширилди. Иштирокчилар Тошкент шаҳридаги бир қатор илмий-маърифий муассасалар фаолияти билан танишди.

Назokat УСМОHOBA, ЎзА мухбири

